

四庫全書

集部

欽定四庫全書

集部
十五家詞卷九

詳校官內閣學士臣尹壯圖

侍讀臣孫球覆勘

總校官降調編修臣倉聖脉

校對官中書臣陸湘

謄錄監生臣鄧金文

欽定四庫全書

十五家詞卷九

休寧孫默編

曹爾堪南溪詞下

中調

青玉案

冬暮曉發

霜餘淨碾。遙天碧。聽落葉鳴虛磧。疎樹倦鴉寒影。隻今朝纔見瘦筠斜處。露出梅花白。散表補綻。年年客駿。

馬春衫復何益五柳淒清陶令宅
黃河風雪滎陽戰壘
驢背思疇昔

訪蔣存魯南湖園居

寒汀細雨鷓鴣喚維小艇蘆花畔
堂下殘荷香已斷竹
都消粉梅纔破蠟紙帳垂銀蒜
幽人詩興偏凌清
絕林塘寄柔翰秋水南華供把翫
公和解笑步兵解哭
懶解愁生鍛

江城子

偶憶

狹邪深處暗香浮
暫淹留
典鸛裘
歌板輕圓攜上木蘭舟
燭紅衫私語密
花底屐柳邊樓
一天征雁喚離愁
淚應流為傷秋
梧葉銀床霜氣入
簾鉤偏惱麗譙銅箭急
殘夢醒在心頭

東友近況

御溝流碧水初融
鳳城東
海棠紅
韋相祠前曲檻繁
花驄星散
昔年童冠侶
時追憶舞雩風
半生都在別離

中綠尊空賸衰翁槐里知交無字與歸鴻笠澤春波寬
似海明月底下魚筒

千秋歲

夏日題壁

池塘清思菡萏紅生膩涼正嫩人初起榴殘猶灼火竹
穉齊搖翠聞巧哢畫眉能攬西堂睡 栢子抽烟細蟹
眼潮剛沸時坐卧濃陰底履黏苔蘚暈衣惹醺醺刺還
生受桃笙簟滑涼于水

題袁重其侍母弄孫圖

硯田堪飽却比菑畬好
滌瀦具斑衣遶海中仙
果熟雪裏青山老
娛白髮麻姑麟脯安期棗
堂上孫常抱反哺同
烏鳥貧亦樂仁為寶
弄麀休寫錯懷橘應歸早
請所與洗兒錢付西隣媪

離亭燕

咏燕

記得杏園新放社
日近時來訪尋着舊巢
思度歲早已

香泥零蕩片渚柳花村獨自飛飛凝望繫足紅綃無
恙驀有離情別狀王謝人家剝廢盡欲入烏衣惆悵失
路巧呢喃唯有落花依倚

隔浦蓮

藻玉軒晚集

戊戌六月初六日同韻初有芮較
書度曲一本換頭移下三字

疎楊低映池小故折迴廊巧木榻當蕉扇矮石畔閒花
草荷葉抽清沼香風到竹裏閑雲遠清尊倒松醪
餽既桓公寒具不少主人絃管歌板十分清妙斜抱琵琶

拍掌笑排調遠山螺黛誰掃

河滿子

春思

新柳輕翻淺浪春波易皺微風池閣薄陰融曉景晴霞
已射簾櫳小徑愁聞夜雨拾來數點殘紅又被幽禽
低喚鴨爐香篆濛濛斜倚繡牀眉未畫十分針指玲瓏
愁入芭蕉心裏情通豆寇函中

風入松

春日虎丘書所見

東風不吝冶遊天滿路擲榆錢春衫一隊尋花去是誰
人撇下釵鈿獨有紫衣年少畫圖無此神仙 侍兒垂
手復齊肩真個欲魂牽朱簾半面驚微露為嬌羞越覺
纏綿恨殺輕羅勝我時時貼細腰邊

寄侯官許有介

風波無恙且歸耕閩嶠正秋清徑邊松菊纏芳草春常
在南國霜輕荔子紅垂古驛榕陰綠滿重城 開尊烏

石聽啼鶯瀚海暮潮平丹青已擅雞林價鍾王法當代

知名高興西園公子安貧東郭先生

烏石山名

吳彥高詞云玉堂金馬竹籬茅舍總是無心處

感其言有作

朝曦初上綺疏紅搖竹一簾風草堂詞好丹黃竟添幽
思簷馬丁東解語人如鸚鵡驚秋客似梧桐 半生春
夢此山翁無悶度窮通浮名真個波中絮隨流水轉眼
成空金馬玉堂以後竹籬茅舍之中

大輿上人四十有贈

天寧寺裏老藤枝，雲板放參遲。
南湖烟水浮千頃，疎櫓畔梧篠參差麈尾能談五覺。
擷頭同訪三支身，輕唯許瘦筇。
知僧臘正強時，閒燒栢子香成篆。
迦文外儒墨兼師，自愧石渠枯管來賡松閣新詩。

御街行

春遊

牆邊桃靨晴微逗，楊柳弱枝垂瘦。
平郊花草逐人香，都

是黃蔬青豆誰家少婦踏青歸去不省釵鈿溜無情
嫩綠江邊鬪喚起迭翻新奏暖風引出汗微香沾上遊
春衫袖怪他江水晴波有暈似學眉兒皺

金人捧露盤

黃金臺懷古

薊門旁風雪暮掠烏鷺莽平皋衰柳凝烟千金市駿烏
騅紫燕鐵連錢功名汗馬騁騏驎萬里揚鞭緬遺踪
如奔電撫易水吊幽燕但鴉栖鹿走狐穿望諸已矣昭

金
卷九
王舊跡夕陽邊興亡何限荒臺畔春草年年

驀山溪

歌席

朱唇檀板宛轉歌微度四座靜無聲聽一線清音獨譜
羊羔美酒自分不如他銀箏小玉簫低生受紅燈暮
細評音字無有遺腔句緩急手能調按新詞微收雁柱
內家粧束不用隔簾攏飽犀白筍痕纖值得周郎顧

述懷

用宋謙父元韻

八甑移日人道先生懶載筆五螭坳曾叨賜上方杯
昨非今是松菊待歸輪辭虎觀問魚舫歇浦烟波滿
東皋藝黍棘七胡麻飯二仲徑初開棹角里舊隣傳蓋
老農老圃對酒偶成詩衝口出話家常奚取乎斑管

千秋歲引

警悟

囊底枯螢簷頭乾鵲辛苦功名亦何樂饒他虎氣今為
鼠儘教龍蟄猶如蠅賣漿家販繒市多寥落私羨尚

平登五嶽何用季心矜一諾今古英豪總蕭索東華軟
塵劇奔走北邙枯冢終栖托猛回頭上蔡犬華亭鶴

洞仙歌

艷集

戊戌六月初二日集孫頤初
年兄園亭聽諸女郎度曲

雨黏莎徑做新涼池館低唱頻斟莫辭滿擁紅衫烏鬢
倚煖偎香稱長短各許玉環飛燕燈前留意處隊隊
繁箏急管輕圓絡珠串燭影動荷風繞樹流螢繞數點
偏照鈿蟬金雁但雕闌畫閣醉相尋為粉黛消磨壯心

都減

曉過鶯脰湖

悲涼屈宋重過吳江道
小市魚蝦鬧清曉
想蛟龍睡穩
千頃晴瀾風色好
霜後白蘋花老
角巾還故土
烟月誰爭一葦凌波勝蓬島
茶竈筆床隨意具
呼取樵青
萼絲濁醪須倒看
雙丸寒暑織如梭
羨湖笛漁榔白頭翁媪

華胥引

蝶夢

婆娑金馬轉盼虛空夢中蝴蝶燕趙佳人良宵綺席偎
粉靨書生潦倒名場薄命元同妾還我漁磯去題江上
紅葉 細雨青簑狎波濤鶯交鷗接舒卷閒雲生疎五
陵豪俠東觀殘書猶在偶翻行篋魴鯉家鄉歸來無用
彈鋏

長調

滿江紅

江村

柳浪方高桃花雨一村都漲應自慰春風未老故園無
恙籬筍新抽江燕出蘆芽半捲河豚上豆畦邊薺美采
盈筐東隣餉柴門外微波漾芳樹杪時禽唱好邀來
春社細斟家釀歡喜兒童鴨脚果逍遙父老蛇條杖恕
余頑醉後越癡狂真無狀

王西樵考功見和江村詞用前韻示孫無言

新綠江村陰陰與溪流爭漲煩寄訊竹平安否至今無

恙初見栗留穿柳去忽驚松鼠緣藤上正春深穀雨焙
槍旗山僧餉難消遣情搖漾蠻姬舞秦青唱正蒲萄
濃潑春波如釀試向花前移玉案休思閣裏燃藜杖念
平生一枕夢悲歡他年狀

湖上書懷再東西樵考功阮亭祠部

飛絮漫天平堤外亂萍初漲人似燕重來湖海畫梁無
恙風雅競推東閣妙文章每說西京上細論詩若箇過
墻頭松醪餉曾踏險瞿唐漾纔會意滄浪唱但銀瓶

索飲醪醕佳釀五嶽未周名士屐百錢常掛山人杖柰
此君不惠不夷間難於狀

酬西樵再和

萬馬齊奔親曾見廣陵濤漲攄幽憤有書自白文通無
恙鴝鵒觀前垂翅去茱萸灣口乘潮上問東吳一飯與
王孫何人餉看遊戲羣鷗漾聽欵乃漁舟唱儘鞭霆
掣電憑天醞釀丹竈前生應煉藥青山今日同攜杖醉
來扶畫手倩誰能僧繇狀

湖上即景同王西樵賦東宋荔裳

六一祠邊槐火熟石泉微漲衣短後來看西子鏡奩無
恙簷瓦聲中山雨到牆桑影底溪雲上望湘湖三月熟
櫻桃先貽餉蘋浪蹙蓴絲漾薄薄酒紅紅唱說泥封
柳貫黃魚白釀擬種綠蕉聊代楮偶尋方竹裁成杖憶
此時海市在登州紛千狀

同荔裳觀察西樵考功湖樓小坐因憶阮亭祠

部

漂泊東南空回首鳳池春張家已破逢人羞語菊松無
恙餘齒偕歸江海畔浮生幸脫刀砧上君還有請室斷
葱來高堂餉天怒解精魂漾且嘯傲閒賡唱為周郎
而醉不須傾釀從此休焉蝸作舍吾其衰矣鳩為杖見
卯君備說老夫窮無佳狀

予與荔裳西樵
皆被奇禍得免

湖上坐雨同西樵賦

藕葉鋪池蒲如鋸小橋青漲孤山靜詩人蛻後猿飢鶴
恙鴨綠波浮楊柳外猩紅暈染薔薇上趁湖心萼菜滑

凝脂頻教餉 船載酒亭邊漾歌按拍壚頭唱愛梅花
橫笛梨花初釀本色英雄能舞榭支離遷客須扶杖雨
餘山也似美人愁顰眉狀

東王西樵考功兼懷陳學山胡又弓王北山館
丈

曉霧空濛兩峰暗灌叢烟漲傷暮景我心惓惓憂以
恙老淚偷彈紅袖側故人自在青霄上記當年殘臘一
杯羹殷勤餉 慈仁寺輕衫漾興誠院瑤華唱有灤州

肥鯽易州清釀門對西山教拄笏人辭東觀惟留杖愧
孤臣編撰本無長恭陳狀

乙巳午日宋既庭見招汎蒲同陸處實姜西銘
佳節吳閭渾不減汨羅愁漲爭吊屈龍舟簫鼓錦帆無
恙公子畫船官驛口名倡羅綺江樓上擁殘書自有故
交同清尊餉榴花影杯中漾競度曲筵前唱正梅黃
時節陰晴迭釀山鬼漫矜明月珮健人也曳菖蒲杖祇
浮生憔悴泣枯魚湘纍狀

沈繹堂陸處實宋既庭御之同集尤悔菴看雲

草堂元韻次答

乙巳五月初十日

雨壓戎葵搖茁茁曲橋波漲東城僻松聲竹籟小亭無
恙虹影倒懸虛檻外游蜂偶綴朱簾上喜澄湖網取白
魚鮮花前餉二十載空飄漾離騷譜聞新唱且開襟
送抱醉君醇釀愁見督郵寧束帶共祈大壺爭攜杖酒
懷寬矍鑠若翁哉將軍狀

即席酬贈悔菴司李

長嘯登樓望塞外
草枯沙漲峰一柱
庾公高興風霜無
恙綵筆雕龍官閣裏
短衣射虎邊亭上
鹿肩肥匹馬入
幽燕承郵餉
山海抱風塵
淒感栗奏蠻童唱
在故鄉
猶憶銀魚忝
釀肘後黃金元
不換斑衣跼
進高堂杖待
畫師頰上寫
閒情看雲狀

酬贈既庭兼示吳敬生兄弟

小宋才華過八斗
墨池春漲棕鞋健
來尋幽徑草堂無
恙花影靜移清簾外
燕雛欲出空梁上
況脯修教授滿

河汾諸生餉 日氣薄雲光漾自疇昔同酬唱上禹陵
梅市繁箏妙釀行止於今猶可共烏皮几與青藤杖待
微涼攜手訪延陵詠新狀

即席送同年沈繹堂入都兼懷汪千頃楊地一
同展成既庭賦

良夜傳觴梅雨急畫船衝漲人南北舊時金馬蘭筋無
恙飲社向同枌梓畔校書陪在鑾坡上自休閒吾土飽
蓴鱸遲相餉 看大纛堤邊漾聽邪許河濱唱更夷猶

吳榜甘醲淮釀老伴玉堂今有幾敢忘太乙當時杖向
知交為我道江潭行吟狀

同悔菴既庭賦東荔裳觀察

枕畔邯鄲銅箭水乍消隨漲茫茫道升沉倚伏盧生無
恙歌舞終歸松栢下釣竿好拂珊瑚上去山中服木餌
松花羣仙餉蓬島路春潮漾華胥國鈞天唱但蠶窩
自蔽蜜脾休釀漢苑已分方朔酒葛陂快擲壺公杖想
此生夢覺總成空無殊狀

憶西樵湖上兼寄阮亭同展成既庭賦

托契湖山撐釣艇
鯉魚風漲吾與汝
尉羅纔出角中無
恙半臂不須遺
客座鷗夷每恨浮
江上在詞場少日
早分鑣牛心餉
見三竺烟霞漾
聞二謝壩荒唱
鬧竹西歌吹名香
異釀且醉河東白
墮酒去扶槐里轅
公杖古來稱名士
濟南多崢嶸狀

展成既庭雨中見示新詞用原韻奉答

五月園林枇杷熟
雨肥雲漲莽迴顧
闔廬千載山川無

恙我自江湖懷以慨君方顏謝凌而上好詞頭百琲夜
珠圓爭來餉風片細飛花漾蝶閒過鶯孤唱借一觴
一詠侑之名釀嬾似稽生林下鍛老思靈壽山中杖屨
驚魂前路有誰憐髡鉗狀

春景

欲問春情嫌太薄真如一紙粧點出飛花亂墜遊絲頻
徙江燕不嗔園舍小雛鶯亦愛池亭美草堂前聊可貯
閒情裁蘅芷江梅蒂將殘矣紅杏萼方開耳有香能

飼蝶辦堪供，蟻聽鳥林間。
杯在手，踏青郭外，錫膠齒有
時豪。置酒擁紅粧，忙珠履。

穀日放舟入南湖

春水平添放，遠碧捲簾高。
坐南湖畔，夜深燈火打魚相。
課塔望真如，惟一點樓名烟雨微。
留个正清明，穀日應祈年。
人人賀，鴉似墨林間，簸柳似醉堤邊。
卧漸春融，氣靄日高雲破，果是畫船如屋裏。
江南風浪何曾大，倒
醪醪徹底發甘香，前年做。

冬日書懷

水面歸鴉斜陽掛遠村高木嚴霜降小園柑橘鬱然浮
綠一七青精朝作飯百年烏柏寒依屋竹添孫箇箇拂
雲梢森如玉林下步溪頭宿呼稚子驅黃犢把儲王
幾首田家詩讀隱矣焉文捐筆硯嗒然喪我忘歌哭撥
孤燈薄酒正相宜新篘熟

長安秋思

苑柳蕭疎寒信早清霜欲落看塞北飛鴻噉噉亂雲漠

漠黑闐壘前，兔走黃金臺。畔蒼鷹掠酒壚，旁擊筑者
何人悲風作。驅不散，簷間雀招不下。天邊鶴嘆江南
秋色芙蓉池，閣陶寫縱憑絲竹。妙公卿可比山林樂，鬢
添星空說玉堦高吟紅藥。

志感

槐市花黃長楊賦，金閨登薦回首近。恩深侍從

至尊垂眷，高閣曾燃藜杖。火官厨忝與櫻桃宴，說匡詩乙
夜裊爐烟聞稱善。慚逐隊瀛洲院，頻召入蓬萊殿。痛天

昏地坼崩雷掣電遺冊僅留金匱秘

御容難向橋山見正消魂銀海雁孤飛霜如練

題悔菴小影和元韻

二調

才子風流聞乙夜重瞳曾許桃林塞射生擊鹿為東道
主油幕憶觴孤竹月紫騮厭踏盧龍雨且歸休花徑更
三三堪遊處雞豚社吾能與應劉讌人延佇羨歌場
新拍騷壇雄踞裂石穿雲吹鐵笛陳詩說禮鳴鼉鼓啜
其醺車畔有三騶呼之語

老友相於傷往事江潭楊柳同屈指垂垂半百昔童今
叟剪韭烹葵諧風約嘲風弄月誰稱首五湖船恰受兩
三人能攜否莫閒却彈箏手好緘着懸河口對門前
亭榭梅妻鳩婦生食何須求五鼎雄心只合澆醇酒笑
封侯絳灌巧乘時元屠狗

既庭見示小影用悔菴廻韻贈之

偶賦梅花心似鐵何妨綺語生徒盛參同考異軒乎其
鼓芳草閒門通小徑桐陰木榻容箕踞詠停雲無語送

歸鴻時凝佇 秘阮約曩曾與用舍義聊中處歎餘生
重見屐拖殘雨麴道人來稱上客楮先生亦為賓主但
歲腸餒腎是文章凌燕許

其二

吳苑繁華看年少關雞走狗君只辦一編周易三升清
酒重席早推名下士色絲解識碑中婦試尋春花信趁
鶯啼橫塘口 伯樂相由基手問老宿能兼否更美人
托興蛾眉螭首燕市唾壺招俠客龍威探冊逢淵叟好

相期歲歲繁蘭橈胥江柳

贈余澹心五十

詞賦翩翩全盛日
忝稱同調留題徧謝公
別墅蔣侯遺廟風月遨遊閒
是主文章支派工
于肖倚紅衫潑墨寫
烏絲聞狂叫
好去聽蘇門嘯
豈肯待金門
詔數少年
儔侶半登華
要早溺儒冠
棲笠澤休尋丹藥思
壺嶠
熟爐烟老更讀
黃庭觀其妙

其二

斐几湘簾修竹畔雨絲烟瀟平分却百年是醉尚堪轟
飲吳苑笙歌春未散冶城禾黍秋還稔羨冥鴻高詠卜
居篇能詳審江上汎花前寢門可鍵茶閒品命樵青
捧硯含任吐沈畫檝每停桃葉渡彩毫也賦枏榴枕待
明年乞爾蔡侯牋江郎錦

思隱和悔菴二調

我有荒廬纔半畝傍他漁舍門挿柳擬陶自命也稱林
下夏日籬邊開木槿蠶時隣園分桑柘到荷汀六月曉

風涼來虛榭 鰲已釣鵬曾射東觀史凌烟畫總勾消
一筆來投村社故里春秋期共醉戲場袍笏終須罷試
從今踏破鏡湖天官家借

其二

志在桑榆靈雨後星言風駕休更說洛陽紙貴文章膾
炙舊友應劉俱宿草避人沮溺唯耕稼茂林邊鶯語劇
輕圓如同話 松似幕藤為架蝸殼屋魚鱗以覺此中
全勝玉堂休暇偃蹇青衫空有淚清狂白眼時遭罵且

都忘獨酌看庭前花開謝

水調歌頭

野園即景

簡僻辭城市努力到東臯塵喧不敢入耳風日靜衡茅
傍屋新蒸红柿貼岸交垂青棟暖旭上林梢拄杖聲微
響有客到門敲棘為牆書作枕頗清高隨心自有樂
事恩怨等鴻毛高大王家臺榭婉轉謝公絲竹今日盡
蓬蒿飲酒栽花外何物使神勞

鶴湖書院懷舊

用東坡元韻

伍子塘如練帆影沒晴空使君舊築高閣上接落霞紅
閒寂柳洲亭子時聽漁舟欸乃月出呌征鴻烟起垂楊
外秋入碧梧中更東望雲間矗九點峰以文會友於
此荏苒各成翁斗酒百篇揮灑年少呼臬浮白意氣儘
英雄陵谷一朝改鬱邑庶人風

贈歌者

五月黃梅雨鶯囀苧衫天西園恰有新曲雁柱瀉珠圓

初似奔泉決溜又似小窗兒女銀甲感鷓鴣絃紅粉圍香
陣花顫舞筵前涼州調渭城唱劇堪憐憐伊入破餘
響鐵馬關風烟星散何戡歌板灰冷寧王玉笛腸斷舊
姻緣流落賀懷智老大李延年

懷舊

螺黛凝烟髻鴨綠膩春塘相逢恰是麗景橫笛噴清商
素質休教粉污自有天然標格淡掃壽陽妝醋醋猩裙
艷盼盼燕泥香芹芽白蘭芽紫艸歸航舊時舞榭何

處畫壁女蘿荒草沒銀箏院落苔長鳳鞵花徑佳節倍
思量一百五寒食七十二鴛鴦

別同館張爾成副使已八年癸卯冬訪之金灘

署中留憩匝月長調志慨

杏苑驕珠勒仙露賜金莖紫騮並轡來往意氣壓西京
朝罷委蛇退食擬獻上林詞賦深宵玉堂清絳雪韋祠
裏樹底喚流鶯十年事晨星亂怒潮生君能憐我失
路永夜醉秦箏屈指石渠儔侶一霎升沉如夢對酒獨

盱衡回望柯亭月仍照綠槐明

題翁子霞梅花書屋圖

風日江村好繞屋有梅花閒來倚閣高望山盡吐平沙
千尺喬松盤屈三徑柴門靜掩人道是仙家幽澗歷冰
雪偏照影橫斜紅藥院紫薇省漫矜誇黃梁喚起癡
夢領受此烟霞且辦隱囊紗帽健在棕鞋簞笠閒試六
班茶坐卧暗香裏一笑讀南華

滿庭芳

山憐

壁印狐踪林開鹿徑山家真箇蕭條樵歸一束時帶蛸
中毛竈下莫愁薪爨方纔拾老柏枯蕉常局戶晚間免
盡飢虎正悲號良宵偏不出倦支石枕醉卧松梢說
好山無數豈解尋敲猶記十年前事承平久官稅都饒
妻孥食有時無米橡栗也常燒

釣樂

釣墜蟾蜍餌懸蜥蜴佳詞構自奚囊修綸一尺獨繭下

菱塘借問魚蝦幾許楊筐去到處徜徉生來性直釣可
使不上亦何妨 何妨終日坐紫藤花落白荇花香有
船名舴艋歌擬滄浪八十磻溪野叟名心在出佐周皇
羊裘子高山長水江瀨有嚴光

春日園亭賞花

碧砌樓高綠垂簾短薔薇一架紅遮林間繁縟蜂與蝶
交譁中有幾間精舍園丁課洗竹澆花須防者風欺雨
侮移就碧籠紗 隣家宜好護不勞纖手折取萌芽得

紫絲步障掩映名葩喜與封姨無礙將新句細按紅牙
朱欄內畫屏小影春氣爛晴霞

丁丑初冬過智月禪院

過盡千帆行舟無數水流城下溶溶寒坡拖影荒荻引
淒鴻喚渡小船如葉長年者朴古之農閒時去尋僧出
郭踏過小橋東輕風吹袖滿垂楊結帶瘁草成叢聽
老漁昏唱古寺晨鐘傳客到門相訪堂前有開士仙翁
須臾列美蔬椒餅話及夕陽紅

重九

飈館秋濃東籬烟暮昨夜霜信微催故人餉酒盤裏繡
餹堆須耐黃花佳種遲遲放無計教開先來雁遠山飛
葉同與晚風回徘徊三徑裏賦心騷骨何限悲哀嘆
淒涼南浦戲馬空臺千古場中傀儡重瞳去劉寄奴來
英雄淚樽前休滴且覆淺深杯

無聲還鄴城賦別

霜鵲盤青暮鴉翻黑策馬遙送斜陽人閒似鶴孤影出

迴塘應念夜來高會分題處
樺燭更長難消遣臺邊暮
雨銅雀賸淒涼
蒼茫雲霧外
旁沿滄水徑
渡清漳
檢客裝何有
權可詩囊識得此心無
着隨緣過
去住都忘
山房暖
康王祠下
蒼藹透
寒香

題夏邑谿南草堂陳簡菴別墅

榴火紅燒荷風白
顛塘柳入夏浮烟近
郊茆屋南郭與
堂連城外周遭綠
水鷓鴣睡沙鷺
聯拳攜觴去
酒生茗止
永日且流連
昔年曾有贈
主人珍重墨跡猶鮮道

淚勻竹塢癭剖楓天到此解衣角飲渾忘倦說鬼談禪
三更月危橋路迤堤外喚漁船

燭影搖紅

閨情

杏苑春嬌薄寒猶禁梨花信踏青時節做輕陰芳徑苔
生暈輕曳弓鞦未穩殢游心芹泥微潤鴛鴦成對遊戲
波心雙雙相近閒悶侵尋淚痕猶帶紅潮印生憎燕
子入空梁似說離人恨金鴨篆烟方燼晦流黃晚風成

陣十三樓畔廿四橋邊歸期偷問

歌席志感

宿世良緣蓬萊弱水看清淺神仙會裏捧瑤漿碧藕排
高宴今夜流蘇半卷到擘阮吹簫庭院緩斟低唱銀箭
頻催翻嫌夜短紅袖多情挑燈一送秋波轉回頭慘
澹動離愁萬里關河遠嘈雜華堂絃管恍疑是夢中來
見傷心何處塞上悲笳驚飛孤雁

漢宮春

己卯冬日同魏子一子存蔣亭彥兄弟家子閒

舟宿吳門用辛韻

一葉孤舟憶昨宵。帆緩纔到桐廬。今朝浮白相賞不與
家殊。呼盧豪快嚴觴政。杯斝難疎。船篷外陰雲作雪燈
前寒色偏無。歲歲吳閭風景。但檣停蟻似妓。少花如
惟是。酣餘筆墨為爾。為余清樽欲散盡。分頒濁酒殘鱸。
紅箋有畫師巨董字臨。王右軍書。

八聲甘州

題贈盛筠齋僉憲書屋

記燕山策馬上金堦綵筆映芙蓉見美而慙也天顏有
喜握管躊躇幾度宮門楊柳春暖曉風梳客館濃花靚
退直停車江上波搖畫纛正南樓載酒緩帶軒渠想
故園三徑歸興菊松餘好嬉遊武塘梅圃又何勞去食
武昌魚留雙眼冷看臺省衮衮新除

應天長

春懷

用周美成元韻

池塘皺綠帶柳紫花緋挑方露酣色萬戶禁烟蕭索冷
淘和寒食江南遠愁作客誰見慰旅懷孤寂甚無緒尊
前自許誕康狂籍繫馬問當壚醉墨淋漓題濕酒家
壁尤愛裁雲鏤月清幽莫愁宅深深處過綺陌灑掃後
落紅無跡莫推阻歌扇相偎舊時曾識

玉蝴蝶

冬日有寄

寒入江南猶淺翳雲初日釀雪輕陰幽寺無人來去水

靜花深獸爐溫無須炙硯禽語寂似解聽琴獨行吟湘
君或降漁父相尋知音滄浪孺子投懷烟水托契山
林舊約春賒西陵松柏結同心鳳池融波添綠暈龍樓
曉柳弄黃金淚盈襟故人天上雁杳魚沉

念奴嬌

一名百字令

題葉癯仙明府翠交閣

二調

孤亭新就稱葛巾瀟灑曲闌頻倚堪羨風流如昨日不
減元龍豪氣北海開樽東山着屐有數神仙吏烏紗皂

蓋曉來都染山翠 身在百尺樓頭臨空一嘯萬木無
聲墜 斃燭修書寒夜永後閣爭遺半臂桃葉喉輕柘枝
腰轉白傅方微醉胡床塵柄自然江左風致

其二

百城民社却等閒拋去故園歸早舊識黃鶯雙白鷺重
赴主人林島活水拖藍修林染碧托出銀蟾皎蠻姬捧
硯兩彎眉黛如掃 頰向檻外澄觀伍塘帆遠只比寒
鴉小麥浪交風聞雉鳴北郭青青未了十萬兵藏五千

經授丙夜憑搜討漁歌唱和一場春夢方曉

送幼光還白門同仲馭

二調

孤舟初發正嚴霜似雪布帆如紙一派殘雲縈別恨愁
向青山隱几晚圃黃花小槽紅酒客路誰同醉薊維點
淡自將管樂為比遙念旅宿方寒丹陽古道老樹酣
青紫戍鼓沉沉天未曉殘月模糊映水白裕譚兵青燈
讀易漫灑英雄淚啼鳥成陣石頭城外潮起

其二

南飛鳥鵲繞疎林三匝無枝可寄聊借遠游惝翫
似相如憔悴山峙金焦江來楚蜀帆繫斜陽裏中流擊
楫氣吞湖海萬里雙眼一望蒼茫寒濤如箭箇箇牙
檣起舊日精靈都已盡何況堂前燕子晉宋衣冠陳隋
宮寢社鼓神鴉耳佛狸祠下怒潮空打遺壘

湖上夏景同澹心賦

西湖千頃儘消殘紅粉又傾金穴柳帶畫樓珠箔靜恰
是曉粧時節小扇風迴曲欄人悄獸炭初烹雪泉聲斷

續倍添今夜嗚咽 還訝蘇小當年停歌不語輕與多情別離恨如天愁似海軟怯肝腸似鐵三竺雲浮六橋烟漲總化鶻啼血桃笙角枕誰憐香汗微熱

寄懷魏子時官成都司李

錦官自昔稱都會佳麗已消兵劫望帝魂歸城郭壞月黑悲啼古堞劍閣哀猿刀州嘯虎蜀棧行人怯草堂無跡榷林猶戰風葉 聞說萬里橋西子雲宅畔豐草長林接為問薛濤箋在否幾樹露桃紅靨諸葛名垂文翁

教遠賦緬相如獵好尋雙鯉嘉陵江上行牒

冬日虎丘遣興

屐痕帶雪看千人坐上苔紋似繡茶竈楓林隨意歇徙
倚好娛清畫主簿祠荒生公石老崩壑疏寒竇消沉霸
業尚傳神虎悲吼麋鹿羣走蘇臺闔閭葬處宿莽濃
烟湊誰劃劍池通海眼鐵壁千尋決溜晉代風流吳宮
花草塢影斜陽後短簫橫笛墓前明月依舊

贈孫無言還黃山

袖中攜贈乃松滋侯也詩尤清絕五十餘年詞客老孤
枕寒衾如鐵白露朝零青氈夜冷捫口猶存舌繩樞蓬
戶時來長者車轍忽念故里名山願言歸隱長與紅
塵別三月烟花全不識歌吹竹西空熱翠篠蒼杉家綠
易就莫道斑鳩拙荷衣藤杖飽看峰頂晴雪

水龍吟

湖舫泛雨呈座客

柳堤一帶疎烟輕雲潤壓漫天絮清陰不斷橫遮湖水

遠籠高樹莫近城闌喧聲難謝急移幽渚看青蘋風發
碧油波漲輕舟穩無驚懼白浪豈能相阻泛春泉滿
傾杯聳嘯呼烟雨我身欲做雪簑披鷺嬾學英雄論兵
捫虱遇雷失箸擬贈人長劒焚子枯管作漁樵去

齊天樂

感舊

南樓逸興今安在英雄固稱一世日月九飛星霜駒迹
頓減數年豪氣尋花買醉似夢裏追歡邈然難繼贈客

貽姬紅箋剩有舊名字 佳話空搜篋底見墨兵酬唱
青樓緘寄燈剪春前歌傳花下舊約依稀誰記莫思往
事恐今日窮愁欲彈清淚回首當壚玉釵垂翡翠

瀟湘逢故人慢

重過虎丘竹亭

用王和甫元韻

清陰如幄修篁拖冷翠猶昔行窩漫說雀堪羅喜桂荒
梅榭坐遠風波霜侵鴨脚墜深黃撼撼庭柯舉頭望五
湖伊邇好攜白恰青簑 浮漁艇衣短後有誰知謫星

載酒來過烟水慣
婆娑擬回塘
挿柳曲港分荷已
公茆
屋賦新詩不礙行
歌還消受粥魚齋
磬新添一箇禪和
沁園春

己卯冬日寒齋感興

時值嚴寒木葉無多
爭隕飄風看百顆
榴實霜邊墜紫
一棚枸杞雪裏垂
紅粧點淒晨留連
卒歲多少窮愁閉
戶中寒齋飯但前
村覓火荒圃挑菰
平生淡泊為功
愧無策謀生還未
工且西園灑墨研
經讀史東郊習射

挾矢彎弓麟閣標名燕領封爵只索殊恩屬乃公偏多
事為傷時感遇咄咄山翁

懷州王明府園亭

懷慶城東竹樹清陰亭館初開見醪醕架壓叢花鋪雪
湘筠角小新筍驚雷三里平蕪千章夏木雲氣堆濃王
屋隈尋幽徑似南京犀浦如豆青梅使君却費尊罍
歎解組盤桓真快哉喜林泉位置手芟楊柳賓朋嘯咏
雜坐莓苔展齒泥深帽簷紅落還與殷勤勸酒杯銀蹠

滑笑諸公高興冒雨歸來

贈周逸僧納姬同程穆倩賦

有美一人特地鍾情愁城病魔向迷樓芳草閒尋墮珥
竹西明月緩度輕歌若箇能憐從前是恨半掩殘釵卸
綺羅支餘夢悵洗脂抹黛密約蹉跎 欣逢才子來過
正三五清光分外多喜同心鈿合黃金可鑄並頭銀蒜
錦幔成窩教鵲為橋呼鴛作枕今夜雙成喚柰何眉痕
細倩詞塲綵筆畫遠山螺

殘臘里居寫懷用爾斐韻東孝峙

數點孤梅伴我餘生斜倚西風喜主人歸里花如倩盼
羣鳥啼樹雨却微濛春夢婆慙祝雞翁返似勝東坡瘴
海東方鼾睡耐半天霹靂飛墜空中蓬山索筆相從
今已作人間已是公任崢嶸後輩文章班馬清閒老友
丘壑夔龍錦字填詞素箏濁酒廿載升沉了不同他年
約擬共尋五嶽雪笠霜筇

爾斐見和用韻再酬

瓶凍知寒擁褐挑燈夜吼狂風嘆曰為改歲三星在罽
我來自北零雨其濛白恰逃名綠簾垂釣伍子塘南角
里東雄心在記射雕沒羽上谷雲中十年漆沮之從
牛馬走羞稱太史公想蘇卿窖底往還惟雁管寧陌上
腹尾皆龍遷謫驚魂揩磨老眼別墅尋花尚可同消殘
歷看故園報賽暫閣遊筇

答贈孝峙爾玉爾斐兼悼天鹿三用前韻

疇昔盛年四五詞家謔月嘲風自烽烟瀕洞故人凋謝

白楊蕭颯離黍迷濛天壤之間猶存吾輩坐看川流折
瀉東全無緒只矮簷曝背寒日方中 雪吟花醉能從
披蝨簡吾師河上公更彭城三老聲華是鳳柳洲八及
少長為龍縱感存亡還娛健在行見兒孫小字同陶暮
景向蒲汀繫纜蘚磴支筇

自嘲和孝峙爾斐四用前韻

客老薊門簞策城頭頓起悲風但曉餐入直沙飛浩浩
暮還休沐靈暗濛濛虎觀寒飈鳳城華鬢空說扶桑日

正東隨清蹕獻鏡歌朱鷺天樂回中鼎湖攀髯難從
偕痛哭褒公與鄂公竟一朝放廢塞翁失馬百年瞬息
山穴尋龍圖鍾須埋形骸可略阮籍劉伶酒社同真險
絕幾飄零異域萬里扶筇

賀新郎

題汪爾張畫

遠嶂雲千疊望層巒空烟半捲似明還滅上有清泉飛
一道最可解人炎熱石鎖處谿流如咽下有杉松迷小

徑掛潺湲樹頂懸晴雪鴻濛後氣猶結誰人識得逃
名訣向深山結茅種竹人踪俱絕惡木叢中行已慣不
怕門前虎穴閒處聽杜鵑啼血若向畫圖呼欲出想斯
人肌骨真清徹長往者是豪傑

秋夜

烏鵲剛棲了坐新秋月痕如線漢光如曉水上涼風吹
不止又有高梧夾道間更漏已敲多少堦下新開花似
雪細端相抹麗花還小何今夕香猶早輕風一陣雲

如掃晚波涼青菱正綻紅蓮欲老整理吟懷待黃菊擬
向東籬傾倒那更有多愁懷抱紫萼白蘋無限景向清
江一笛驚鷗鳥人何存在在天表

代寄

怪殺東風薄入春來吹殘柳絮海棠都落一片落花拈
不起和雨和烟相攪誰可解愁懷漠漠刺繡無心分五
色歎無聲祇見針兒閣翻欲惱養娘惡 鴛鴦一對溪
邊掠怕情牽只言風悄半遮簾幙生得腰肢原自瘦近

覺宵來更弱梳短鬢嬾隨時作心字香燒心已碎筭同
心還是心心各記郎語善諧謔

村居

古樹陰相屬步長坡百勞初語白鷗新浴早稻初堅香
似蜜無價可方新穀休更說人間梁肉黃雀飛飛猶未
老待秋深蒸取脂如玉芙蓉下倒醺醖空江採得蓴
成束擢輕舫中流嘯咏放歌林曲漁老綸竿垂不止忘
却塵區榮辱我亦覆一枰碁局荷鉦躬耕風味古傲隆

中頗有良苗綠梁甫句問誰續

十五家詞卷九

欽定四庫全書

十五家詞卷十

休寧孫默編

王士祿炊聞詞上

康熙甲辰三月余以磨勘之獄入羈於司勛之署于
時捕檄四出未即對簿伏念日月曠邈不有拈弄其
何以蕩滌煩懣支距幽憂憶自髻齒頗耽詞調雖未
能研審其精妙聊可藉彼抗墜通此蘊結因取花間
尊前草堂諸體稍規撫為之日少即一二多或六七

漫然隨意都無約限既檢積稿遂盈百篇因錄而存
之識時日焉其間或得之負手或得之搖膝或得之
矯首或得之瞪目或得之隱几或得之面壁或得之
繞廊或得之倚柱或得之酒酣或得之夢破或得之
孤燈之欲燼或得之晨鷄之乍鳴其文無謂其緒無
端倫脊難尋阡陌莫指誠欲引而遠之使此寸心如
游絲之颺空輕鳬之信流不令與愁相振觸故不復
引繩點墨斷髭落眉耳讀者循其聲節逆其行嘆坐

愁之意故當於行間字外騁歸遇之儻以之挈溫較
韋擬李比秦殊自選庭亦非僕意之所存也其客歲
使豫道中舊作二十餘篇亦附見焉曰炊聞者兀兀
南冠不殊邯鄲一枕故取杜陵詩語斷章而命之也
其文無謂其緒無端系之以卮抑又宜矣王士祿記
小令

荷葉杯 第一體

夢迴

紅暈倦眸如纈春歇夢迴時被香無賴曉魂膩還睡掩
簾幃

和溫飛卿韻

小艇掠烟春浦香雨杜蘅紅弱鬢斜掩畫窗裏微起綠
楊風

憶魯泉山居二首

憶待石橋金鯽山夕綠波涼小亭紅杏幾枝側斜日撲
衣香

其二

記得山樓日課春
情枕書眠竹籬微
映露桃面紅
舊午晴天

南歌子

第一體

窗午

窗午花情倦
樓春鏡影妍
新燕啄泥天
枕屏圍小夢
阿誰邊

三臺令

鄴下三臺二首

弔古重回遠目憑軒遙指荒丘不覩西陵歌舞惟見漳
河亂流

其二

落日烏啼影寂春風鼠竄苔斑只有千年舊瓦曾覆當
時玉顏

荷葉杯

第二體

記得

又向春風相見梁燕記得去年時有個紅欄共晚卮思
摩思思摩思

望江南

望蘓門二首

天外影人道是蘓門磴覆松毛青到骨崖封苔繡碧為
魂儻許一追捫

其二

蘓門好何日得巾車安樂有窩銷白日嘯臺無恙卧青

霞微詠帽簷斜

漁歌子

錦湖四時漁歌四首

雪霽冰漸水漫流
魯陂春漲繞磯頭
携短棹縱扁舟
逐鷺徵鳬下遠洲

其二

繫纜青丘萬柳東
荷花面面午時風
懸簑笠枕籠簑臥
待宵涼理釣筒

其三

細雨淅微濕綠蓑白蘋香裏斷鴻過持蟹飲扣舷歌向
夕漁燈炙紫螺

其四

認斷敲冰下短叉北風獵獵背篷遮炊荻葉蔽蘆花擁
婦呼雛醉晚舡

著女怨

次溫飛卿韻

金少卿集卷十
曉風吹夢春色遍棲穩梁燕合歡衾雙鳳扇厭他常見
枕屏帆影向人來又重迴

調笑令

春閨二首

花樹花樹暮歷一窗紅霧月明寥落金樽錦瑟年華斷
魂魂斷魂斷厭煞春宵銀漢

其二

金雁金雁歷歷斜行第面紅絃素手縈愁遲日凝粧上

樓樓上樓上南浦綠波晴漾

西溪子

玉臺

何處紅樓郎醉儂抱春風孤睡玉臺前誰共語和影語
纔到雙眸暈處最先知劇憐伊

如夢令

白沙江上送貽上之金陵

沙尾孤舟潮擁手底離觴酒重忽忽惱雲帆不似青驄

堪控如夢如夢昨夜短篷相共

欲別

欲別玉人歸去細雨廉纖薄暮紅燭靜惜惜好共綠窗
幽語且住且住衾潤紫沈濃炷

初夏二首

正是夏頭春尾芍藥酡顏紅靡向晚瑣窗風悵絕玉人
孤倚還喜還喜夢裏燈花幾蕊

其二

風捻楊花碧老雨簸荷錢青小何日草堂邊卧聽一林
黃鳥堪懊堪懊誤被軟紅相矍

憶柳菴山寺

憶住柳菴山寺幽興隨心無次支枕敞晴窗卧選萬山
紫翠清吹清吹我愛礪松嫵媚

天仙子 第一體

本意

撥掉春溪深幾曲桃花紅蘸清波綠漁郎怪事憶人間

歸去速閉仙谷俯仰青山身碌碌

江城子 第一體

閒庭

秋千搖影月微明到閒庭絕人聲一點紅燈依約綠窗
楞敲遍欄干伴不應撥蘭燼倦盈盈

應仄聲

長相思

本意

風半廊月半廊鳳脰燈青玉簾黃別時秋乍涼
蘋已

霜蓼已霜碣石瀟湘尚渺茫關河較夢長

相見懽

贈季弟

若為歌管銷愁盪離憂憶逐殘秋征雁問揚州
意中漫憐東閣少淹留誰識到來翻送秣陵舟

河滿子

第一體

倣和凝體二首

最是春風情緒無聊無賴無端枕瑟孤眠思好夢被池

虛繡雙鸞爭似葢黃花子朝朝貼向眉灣

其二

髣髴玉人情態桃花淺醉春風只尺女床仙樹遠漫云
宋玉墻東爭似腥紅寶袜朝朝約向酥胸

調笑令

第二體

成公智瓊

神霄弱女冰玉姿帝許人世牽紅絲濟北從事感精
爽雲車白日來葳蕤芬香午夜疑同伴却遣人知非

妾願訣別遺君繡衲襠魚山五載重相見

相見魚山畔五載精誠重會面雲輶霞鞚神仙伴心感
多情弦掾同車還許同心綰洛水春波婉嬾

天台二女

相將採藥山中仙山窈窕迷幽踪越嶺循溪為飢
渴溪流宛轉胡麻逢溪邊忽遇雙嬌女絳幃許結同
心苴竭來啼鳥喚鄉心無端輕別神仙侶

仙侶溪邊女笑倚桃花相向語絳幃雙結同心苴婉態

幽歡難舉鳥啼鄉思茫無主輕別玉娥歸去

洛神

合歡遺枕愁君王洛川斜日蘅皋傍精移思散若有
遇神光離合迷陰陽此時宛覩凌波步心寄君王魂
定赴却感神人怨盛年遺情想像真難賦

難賦凌波步心寄君王魂定赴遺情想像悲靈遇斜日
蘅皋空暮獨携遺枕循歸路愁逐洛川東注

杜蘭香

芳蘭冉弱清湘湄玉顏姝瑩天人姿轉瞬青童引歸
路十年預約雲霄期包山有士真靈配唾孟留作登
真記侍女重來寄意深墉城夢斷遙相遲遲去聲
相遲真靈配侍女重來遙寄意玉孟曾作登真記更付
黃麝仙帔墉城歸去心期遂雲路雙翔翡翠

織女

閒庭卧月香風流美人明艷來宜脩幽懷宛轉托神
契玉華簾展紅鴛綢經年却別情難斷紫房遙寄青

繡怨枕香衣淚對愁眠玉顏寂寂空霄漢

霄漢情難斷撫抱臨岐空戀戀紫房遙寄青繡怨別後
靈期汗漫枕香衣淚留相伴寂寂玉顏難見

玉卮娘子

書生種花邏谷邊暮春三月千花然玉卮娘子騎馬
過青衣輒訂三生緣殊絕茗顏驚阿母美人涕淚辭
箕帚玉盒殷勤贈別離仙都目斷空回首

回首辭箕帚殊絕茗顏驚阿母玉卮難復為君婦邏谷

舊緣空有遺君玉
金君憐取腸斷仙都別後

雲英

湘漢同舟逢麗人
錦屏昵洽難相親
酌詩別示青冥
路授漿恰覩紅蘭春
神仙果在藍橋驛
心堅玉臼終
須得多情共踐玉
峯期瓊樓携手今何夕

何夕藍橋驛
百日為期難自惜
心堅玉臼終須得共踐
玉峯仙宅
裴郎阿姊還相識
湘漢新詩重繹

醉太平

郵夜

星前角聲風前笛聲惱人日夕逢迎問王程幾程別
邊酒醒歸邊夢醒憂來如月明明問秋更幾更

生查子

艷情

窗曉露微明未醒雙文睡輾轉玩瓊顏愛煞斜鬟膩
睡淺為郎羞擁損重樓被後夜却防郎只枕郎君臂

別怨

紫棧已停熏銀蠟仍銷焰共影守殘更相惜還相厭
蕉萃此時心郎定無由見獨有夜啼烏髣髴聞微嘆

次女郎紫竹韻

堦憐好月癡窗厭孤燈慘無味夜來風空逗簾犀颭
莫檢枕函書舊淚痕痕點都得幾絲愁縈損春山點

酒泉子

小院

細雨悄悄寂歷紅薇小院殷仄輕雷却紈扇綠屏深

涎涎紫燕彈雙尾無語梁畔睡簾痕孤香氣靡暮寒侵

醉公子

街鼓

街鼓傳三四不見蕭郎至何物對裴回玉香獨見鞋
錦衾空艷艷沈水薰來厭休自聽更籌鴉啼金井頭

次顧瓊韻

梳裹朝來淡羞對移春檻斜倚綠牙屏梨花小院局
獨坐流光慢遲日窺門限蓬鬢亂雙蟬心慵又一年

昭君怨

樓外

樓外夕陽牢落倚損危欄一角何處見天涯碧山遮
那似合歡雙枕解使瀟湘路近回夢惜餘歡覩屏山

春光好

秋千

紅索軟錦旗平蝶裙輕一倍春光照眼明殢初鶯人
是如雲如月天看非雨非晴髣髴歸似聞花影裡墜釵聲

點絳脣

閨情

雨飜空庭夢回失却桐廬路春愁相赴又是紅窗暮

卜損金釵怕見芳園樹微寒度水沉銷炷且伴春風住

夢餘

蹴踏閒愁先生破却拘墟也夢餘醒暇叉手槐涼下

樹畔驢兒有似邯鄲野歸去者炊成瀟灑莫道黃梁啞

訴衷情

第三體

次魏承班韻

感慣雙蛾翠損長犀簾靜暮堂新夢斷亂蟬涼慵續午
餘香 宛轉簾紋光似迴腸清宵好更夢橫塘學鴛鴦
浣溪紗

夏閨二首

瓊砌陰濃暑漸收夢回樓角夕陽幽晚花香裏上簾鉤
綠墜鴟鬟金雀隱紅斜寶裊玉膚柔風邊小立只低

頭

其二

茉莉風涼沁洞房
瑣窗斜月對清光
玉人枕畔卸衣裳
細語低迷妨婢覺
幽情宛約惱郎狂
暗中無奈繡鞋香

次少游韻

半下流蘓胃綠霞
緩歌捉搦按紅牙
春風先到秦娘家
選夢正宜衾鴨煖
昵人偏是鬢蟬斜
莫將銷恨屬名花

別來

錦水文鴛宿處同別來魂夢鎮惺忪分携記在綠屏東
執手悽悽還脈脈回頭昵昵苦匆匆橫波低搵一雙
紅

春閨三首

嫵媚風光二月過輕衫不愛繡銀鴛蜻蜓淺碧結文羅
小倦非緣思夢睡柔情却似為春酡紅襟燕子又來
麼

其二

風亂細桃午倦時雙鬟好為掩
果愚怕來春夢似游絲
種得碧桃憐露蕊寫成朱竹惜
歌枝為他情態也差

其三

情思懨懨厭襪羅起來紅日玉
臺多關心殘夢怎騰那
瘦損腰圍如弱柳梳成髻子是
翻荷當窗自惜態娥

艷情二首

笑倚秦箏理鈿蟬
午窗蘭氣絕清妍
人脈脈彈香肩
穠李風情誰得似
破瓜年紀最堪憐
黑犀合子贈纏綿

其二

柳葉眉長慣似愁
當歡微斂越風流
雙文小玉總仙儔
夢淺羞郎還閉目
慵多喚婢代梳頭
此鄉真個是溫柔

清商怨

和歐公韻

銀床梧葉落漸滿悵流光欲晚平楚高樓連朝勞望眼
畫屏瀟湘漫展恨夢破雁和人遠心上秋來問秋秋
不管

菩薩蠻

露舛祠

船頭暮笛吹寒浪蘋黃蘆折憐遙望野岸出空祠靈旗

颺晚颺 無郎歌莫誤不是青溪路
夜夜對重湖魂歸
片月孤

夢破

邯鄲夢破抽身急掉頭怕近長安日
便跨白驢歸重尋
舊釣磯 是非書幾卷失學從兒懶
帶索好行歌無勞
春夢婆

閨曉二首

春魂帶夢扶難起玉歌翠弱粧慵理
不用鬱金油鬟雲

膩欲流 一雙羅襪瘦小鳳嬌紅味着罷立盈盈蘭堦
無限情

其二

玉堦浥露綉鉤小拗來豈蕊含清曉何處惜芳菲春光
繡蝶衣 却歸粧鏡畔佇立成微嘆還理亂衾窩憐他
伴夢多

有寄

拋儂幾尺烟波路斷橋難斷魂來去何處望全迷西陵

更向西 欲知情鄭重
驗取宵來夢可奈不成眠
烏啼又曙天

訴衷情 第四體

曾記

白雲不戀戀溫柔
曾記卧紅樓玉奴笑
回蓮臉親為試
瑩篴雲影散
雨香收漫凝眸
幾櫺淡月半臂濃香
一寸眉頭

卜算子

不寐

暗燭影疑冰
飢鼠聲如雀
窗隙寒風和
漏來夢又成
耿耿閣歸計
尚蹉跎
春事全蕭索
此際殷勤覓
睡方欲下
真無藥

送春用徐師川體

春欲賦歸歟
餞汝青門路
咄汝能偕愁
共來好拉愁
同去
春謂君良誤
愁與君何忤
此日幽拘除
却愁誰與
君同住

永桑子

有贈

宜人最是橫波慢睡態融融紅燭微濛杜牧詩狂也到
儂愁君姓字偏難忘耳畔東東他日車中悵絕輪邊

斷續風

忘仄聲南人謂陳為耳東又
唐人詩耳邊長似叫東東

春閨

流蘓不閉三春夢宛轉梨雲一霎氤氲洛水湘波在宋
隣醒來無事銷長晝卧損穠春莫問芳辰春絮春花

慣惱人

減字木蘭花

羈所七憶

竹西清署昨歲稱觴曾整去慈母縫衣又逐寒楓草草
歸湘纍新怨二老遙聞魂應斷念此如何夢溯清淮
夜夜波

其二

早年似陸夜夜書燈還接屋中歲如蘓雨驛梧聲怨索

居 祗期暮齒下澤同驅吾共爾誰意而今灑淚題詩
寄卯君

其三

謝家小女少日紅閨深處貯嫁與黔婁畫匣金釵廿載
愁 甘同終窶未忘牛衣中夜語只為逡巡偕隱心慚
舉案人

其四

桃花蘄雪掌裏雙珠光似月幾載身傍次第鳩車看繞

牀堪憐弱歲餽索崎嶇為汝累莫事詩書殷鑒於今
近在余

其五

誰云弄瓦繡褌相憐無異者弱女非男也與陶公慰醉
顏還思賣犬笥屐他年親嫁遣此意悠悠面壁嬌啼
我欲愁

其六

紫囊曾睹早日堦蘭欣在觀昨歲於菟乍見牽衣更捋

鬚
經時離別頻夢蕪城
水月羯末封胡
此日幽憂
倍憶渠

其七

單車宵引鐵網珊瑚
思採盡深院梧桐
紅燭三條見至
公
玉壺秋月人
道歐公清鑒
別我罪伊何
默默憑誰
訊汨羅

寄內

還知別後人
共爐烟宛轉
瘦燈底風前
憔悴茗華
祇自

憐 憑誰寄語莫為橐砧徒自苦有日歸兮携手同君
賦五噫

後庭花

咏燕

浥塵小雨清明近幾番花信重來玉剪雙雙趁玳梁堪
認 故巢新補芹泥潤落紅相襯流黃機畔人迴瞬陡
添嬌暈

好事近

憶柳菴舊隱次放翁韻

回首碧山樓四面遠天為壁窗
俯臨層巘看偃松蒼積花關長
晝不曾開猿鳥共休息卓午
晷回幽夢是衙蜂喧日

謁金門

和馮延巳韻

晨睡起倦眼微潤秋水且撒嬌慵
春徑裏露桃開幾蕊
羶態風前如倚撲亂楊花斜墜
正憶桐廬人未至蛛

絲輕送喜

和尤悔菴寒夜韻

深宵寂暗燭暈成愁色
小婢開簾寒側側梅花明夜黑
雪片風邊瑟瑟帶個雁聲淒
歷孤枕愁聽蓮漏滴枕痕朝看濕

金蕉葉

第一體

咏雁用蔣竹山秋夜不寐韻

晴空淡幕遠飛來互鳴似索魚鱗雲影斷續斜河正絡

角幾箇疎星作井梧飄酒懷乍惡楚天秋水浩渺

寒沙幾處落

三墳書水雲魚鱗

憶秦娥

次少游韻

秋眉碧月明幾夜流黃織流黃織誰家闌角乍飄風笛

錦機羞顰鵲翼遠書慢說長相憶長相憶玉籠愁

絕相思聲隻

相思鳥名

眼兒媚

和徐野君贈人韻

箇儂名字似東東
記曲又紅紅
眉月幽幽鬟烟約約膚
雪濛濛
縹緲風情看不定
幾處認巫峯
簾底尊前花
邊竹外掌上圖中

惜分飛

湖上有贈

淚眼非如潮有信
話到離愁便暈此際看
尤俊橫波那
為多啼損
家住西陵還較近
蘓小同心試問
莫忘相

思分却教油壁全無準

忘分並
仄聲

有寄二首

共子真同魂與魄不道輕輕便拆無奈離魂急獨留殘
魄誰相匹檢點屏帷尋舊迹印臂釵痕未失立盡窗
兒黑愁來那辨阡和陌

其二

憶得相逢春欲暮油壁西陵乍度縹緲花和露風流欲
壓陳王賦賣眼燈前迴一顧脉脉幽情早付好月當

窗處背人却把心期訴

南歌子 第三體

鴝鬢

簫局晨香裏流蘓曉夢還十三小女綠鴝鬢情似十三
明月未全圓花影紅屏午春光碧戶傳抱來雁柱十
三絃已覺一絃一柱思華年

思去聲

次湘真春月韻

瓊樹濛濛映紅窗漫漫流雪兒好為唱無愁休負一規

親切照藏鈎 珠露從教濕金尊莫遣收餘光漱灩小

眉頭不似清秋楚楚咽簫樓

用坡公王夫人語意

浪淘沙

次李後主韻

愁似水潺潺百意闌珊幾檣風做晚來寒倩酒澆愁愁
不顧醉也無歡 岸幘倚疎欄愧負青山試歌行路古
來難何似隨僧閒洗鉢溪畔松間

次宋尚木憶昔韻

繡幕晚來重怪底香濃丁香如夢月朧朧紅燭殢人魀
笑語過了疎鍾倦眼玩酥胸脂肉芙蓉嬌羞銀蒜骨
青蟲往事臨風休更憶吹亂心蓬

青蟲
替名

南鄉子 第三體

初夏憶草堂次曹顧菴初夏韻

游屐息春忙着雨幽墀似曲塘砌外三桐層碧引過牆
接葉悄悄覆草堂 搗日夕窗涼破夢砑聲靜曲房入
夜流螢依竹見還藏簾展方流玉水長

午日

愁劇意糊模粽子還能益智無且碾硃砂浮藥玉胡盧
圖得閒愁半日逋 醉裏惜幽拘吟罷懷沙日又徂記
得弇州詩句好非誣信有人間屈左徒

藥玉坡
公盦名

木蘭花令

芒芒

芒芒交集情誰識謂驅愁去愁仍蟄放來屈賦就懷沙
腐後遷書傳貨殖 詩書贏得妻孥泣孺仲妻賢真莫

金定四庫全書
卷十
及蓬頭歷齒任癡兒有目何煩知六七

遣愁

三春日日和愁住愁汝來前與汝語連朝愧汝太殷勤
我醉欲眠君且去 麾之不去愁良誤心已厭君君好
喻不然便覓一丸泥封却汝愁來往路

鵲橋仙

醉罷

只須冷笑無煩細說世事信多鵲突楚囚莫更泣南冠

教達者嗤人錄錄 且酣醇酒試彈長劍醉罷一歌獨
漉莊生齊物有遺編說千古殤延彭促

採蓮子

本意

風皺澄波綠映波

舉棹

腕慵不覺蕩船遲

少年

欲驚沙嘴鴛

鴛睡

舉棹

笑擲青青芡子兒

少年

湖波漫似眼波秋

舉棹

自愛

風流照碧流

少年

嫌他年少顛狂甚

舉棹

棹入荷花不舉頭

少年

踏莎行

用少游韻

瑞腦烘猊素箏排雁綠窗深處新粧淡嬌春偏覺眼波
慵宜人更是心情慢 珮響微風琴鳴幽澗還疑天女
將花散春光穠日惜分攜碧城縹緲愁無限

十五家詞卷十